

TARIKH: 23/8/23
SURAT KHABAR: KOSMO
MUKA SURAT: 5

KOSMO 23/8/23

Negara!

5

terhempas di Elmina



Emosi anak stabil, terima pemergian Shaharul Amir

MANJUNG – Anak-anak Allahyarham Shaharul Amir Omar, 49, mangsa pesawat Beechcraft 390 (Premier 1) yang terhempas di Persiaran Elmina, Shah Alam minggu lalu telah menerima hakikat kematian ayah mereka dan menghadapinya dengan tenang.

Menurut balu Allahyarham, Suhaila Akasah, 47, emosi mereka kini juga stabil.

“Alhamdulillah, emosi anak-anak stabil, perlahan-lahan mereka terima hakikat kehilangan bapa mereka.

“Kesemua mereka termasuk anak sulung yang autisme kini berada dalam keadaan baik dan tenang,” katanya ketika ditemui di kediamannya di Seri Manjung di sini kelmarin.

Empat anak pasangan itu ialah Izzat Danish, 19, Imanina Zulaikha, 17, Ismahani Dhaniyah, 15, dan Ilyiaa Najwa, 12.

Mengulas lanjut, Suhaila berkata, dia juga percaya Izzat Danish memahami apa yang

berlaku dan ia dapat dilihat ketika urusan pengebumian Allahyarham pada Ahad lalu.

Katanya, apabila dibawa di Taman Persemadian Islam Seri Manjung untuk menyaksikan Allahyarham dimasukkan ke liang lahad, anaknya itu menitikiskan air mata.

Terdahulu, Suhaila menerima kunjungan Pertubuhan Keselamatan Sosial (Perkeso) Perak diwakili Timbalan Pengarahnya, Roslan Pilus.

Suhaila bersama empat anaknya selaku waris layak menerima bantuan faedah Perkeso menerusi Skim Bencana Pekerjaan di bawah Akta Keselamatan Sosial Pekerja 1969 (Akta 4).

Waris menerima Faedah Pengurusan Mayat (FPM) RM2,000 untuk sekali bayar, selain bayaran Faedah Orang Tanggungan (FOT) kepada balu untuk seumur hidup dan anak-anak sehingga usia mereka mencecah 21 tahun.



ROSLAN (kiri) menyerahkan dokumen Perkeso kepada Suhaila (tengah) ketika mengadakan kunjungan ke kediaman Allahyarham Shaharul Amir di Seri Manjung kelmarin.